## LADY SUMMER.

A1R-"Blythe, blythe, and merry are we."

Birdie, birdie, weet your whistle!
Sing a sang to please the wean ;
Let it be o' Lady Summer
Walking wi' her gallant train !
Sing him how her gaucy mantle !
Forest green trails ower the lea,
Broider'd frae the dewy hem o't Wi' the field flowers to the knee !

How her foot 's wi' daisies buskit,
Kirtle o' the primrose hue,
And her ee sae like my laddie's,
Glancing, laughing, loving blue !
How we meet on hill and valley,
Children sweet as fairest flowers,
Buds and blossoms o' affection,
Rosy wi' the sunny hours.

Sing him sic a sang, sweet birdie !
Sing it ower and ower again ;
Gar the notes $\mathrm{fa}^{\prime}$ pitter patter,
Like a shower o' summer rain.
"Hoot, toot, toot!" the birdie's saying, "Who can shear the rigg that's shorn ?
Ye've sung brawlie simmer's ferlies, I'll toot on anither horn."


